

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA

Broj: T04 0 KT 0061592 24

Zenica, 05.03.2025. godine

OPŠTINSKI SUD U ZENICI
Sudija za prethodno saslušanje

Na osnovu člana 45. stav 1. i 2. tačka i) i člana 241. stav 1. Zakona o krivičnom postupku Federacije Bosne i Hercegovine (*Službene novine Federacije BiH, broj 35/03, 37/03, 56/03, 78/04, 28/05, 55/06, 27/07, 53/07, 9/09, 12/10 i 8/13, 59/14*)¹, podižem,

OPTUŽNICU

Protiv:

B. V., osuđivan,

Što je:

Dana 11.06.2021. godine, u Z., u mjestu N., doveo u zabludu referenta M. F. koja je zaposlena u Službi za opću upravu [REDAKT], mjesni ured [REDAKT], da u javnoj knjizi ovjeri neistinitu diplomu koja služi kao dokaz u pravnom prometu, na način da je lično pristupio u mjesni ured Službe za opću upravu u [REDAKT], te referentu M. F. predao original Diplomu o završenoj srednjoj školi Javne ustanove [REDAKT], od 27.06.2014. godine, svjestan da se radi o diplomi koju je izdala nepostojeća ustanova i koja ustanova nije upisana u Registar organizatora obrazovanja odraslih i Registar srednjih škola pri Ministarstvu obrazovanja i nauke [REDAKT] kantona, na koji način je doveo u zabludu M. F. da izvrši ovjeru fotokopije navedene diplome i izvrši evidentiranje te ovjere u Registru ovjera i u knjizi ovjere koje se vode u Službi za opću upravu [REDAKT], a što je i htio,

Dakle, doveo u zabludu nadležni organ da u javnoj knjizi ovjeri štogod neistinito, a što treba služiti kao dokaz u pravnom prometu,

Čime je počinio krivično djelo ovjeravanje neistinitog sadržaja iz člana 375. stav 1. Krivičnog zakona Federacije BiH (*Službene novine Federacije BiH broj 36/03, 37/03, 21/04, 69/04, 18/05, 42/10, 42/11, 59/14 i 76/14*).

¹ U daljem tekstu ZKP FBiH.